

息慮忘機合自然長生事待明公放下方可相傳

前調

七返還丹在人先須鍊已待時正一陽初動中宵漏永温温鉛  
鼎光透簾帷造化爭馳虎龍交媾進火功夫午斗危曲江上見  
月華瑩淨有箇烏飛 當時自飲刀圭又誰信無中養就兒辨  
水源清濁木金間隔不因師指此事難知道要玄微天機深遠  
下手速修猶太遲蓬萊路仗三千行滿獨步雲歸

天仙子

清明

流光百歲憑誰賴青絲休向紅塵賣但看今日又清明風乍歇  
雨無耐偏偏現出融和界杏花村妖嬈一派燕子樓聲聲一  
道藏輯要

呂帝詩集

空

室集七

臨江仙

七夕

春去夏過秋又到虛堂暑氣全消天時一刻不相饒露寒驅蟋  
蟀風緊碎芭蕉 人說今朝牛女會紛紛野鵲填橋那知此語  
屬村話塵凡謀雅合誣枉我仙曹

臨江仙

秋江晚眺

跨鶴臨江觀萬象肥紅瘦紫都休蒼茫望斷岳陽樓黃雲追去  
雁白浪打來舟 幾個漁人沙上立凝神直注輕鷗倘君願與  
結朋儔速拋兒女債洗耳步巢由

西江月

初夏有感